

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog pregovaračkog postupka bez obavještavanja broj JN-20/18 – za nabavku hrane po lotovima i to: 1. LOT 1 – Svježe povrće i salate i LOT 2 – Voće, proizvodi od voća i napitci, objavljenog na web portalu Javne ustanove Opća bolnica „Prim. dr. Abdulah Nakaš“ dana 13.03.2018. godine, zaključen je

OKVIRNI SPORAZUM o nabavci roba

između:

Javna ustanova Opća bolnica „Prim. dr. Abdulah Nakaš“,
Sjedište: Kranjčevićeva broj 12, 71000 Sarajevo,
koju zastupa direktor Prim. dr. Zlatko Kravić,
Identifikacijski broj: 4200288400001,
(u daljem tekstu: Kupac)

i

VINOJUG d.o.o. Sarajevo,
Sjedište dobavljača: Igmanska broj 2-4, 71000 Sarajevo,
koga zastupa direktor Elvira Resić,
Identifikacijski broj: 4200368260006
Transakcijski račun dobavljača: 1602000000452237
Naziv banke dobavljača: Vakufska banka d.d. Sarajevo
(u daljem tekstu: Dobavljač),

Član 1.

Predmet Okvirnog sporazuma je nabavka roba - hrana i to:

1. LOT 1 – Svjeće povrće i salate
2. LOT 2 – Voće, proizvodi od voća i napitci

prema ponudi broj: 30-2018 od 30.03.2018. godine, a na osnovu Odluke o izboru najpovoljnijeg ponuđača broj 2305-17/18 od 02.04.2018. godine.

Ponuda sa specifikacijom roba broj 30-2018 od 30.03.2018. godine i dokumentacija dostavljena po predmetnoj nabavci sastavni su dio ovog sporazuma,

dalje: ponude Dobavljača, (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio sporazuma s tim da se zbog obimnosti iste uz sporazum fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljene po pregovaračkom postupku bez objave obavještenja broj JN-20/18.

Član 2.

Okvirni sporazum (u daljem tekstu: sporazum) se zaključuje na period od 24 (dvadesetčetiri) mjeseca i traje do isteka sporazuma odnosno do utrošene maksimalne finansijske vrijednosti za:

LOT 1 - do 33.629,00 KM bez uračunatog PDV-a, odnosno 39.345,93 KM sa uračunatim PDV-om na godišnjem nivou, što ukupno iznosi za period od 2 (dvije) godine do 67.258,00 KM bez uračunatog PDV-a, odnosno 78.691,86 KM sa uračunatim PDV-om,

LOT 2 – do 23.061,46 KM bez uračunatog PDV-a, odnosno 26.981,91 KM sa uračunatim PDV-om na godišnjem nivou, što ukupno iznosi za period od 2 (dvije) godine do 46.122,92 KM bez uračunatog PDV-a, odnosno 53.963,82 KM sa uračunatim PDV-om.

Plaćanje će se izvršiti u roku 90 (devedeset) dana po isporuci robe i ispostavljene fakture. Plaćanje se obavlja na žiroračun Dobavljača. Kupac ne prihvata avansno plaćanje i traženje sredstava osiguranja plaćanja. Ukupna plaćanja Dobavljaču bez PDV-a na temelju sklopljenog okvirnog sporazuma ne smiju prelaziti procijenjenu vrijednost nabavke.

Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Okvirnim sporazumom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Kupca ni onda kada je fakturu primio, a nije joj prigovorio.

Član 3.

Sa Dobavljačem iz Okvirnog sporazuma se namjerava zaključiti mjesečni ugovor o javnoj nabavci roba ukoliko vrijednosti nabavke za dati mjesec prelazi iznos od 1.000,00 KM bez uračunatog PDV-a. Isporuka roba će se vršiti na osnovu Odluke o izboru najpovoljnijeg ponuđača na mjesečnom nivou i Ugovora o javnoj nabavci roba za predmetne lotove. Osnov za isporuku roba su Ugovor o javnoj nabavci roba, Odluka o izboru najpovoljnijeg ponuđača i narudžbenica Kupca.

U skladu sa Ugovorom o javnoj nabavci roba i Odlukom o izboru najpovoljnijeg ponuđača na mjesečnom nivou, najpovoljniji ponuđač će nakon prijema narudžbenice od strane Kupca sa isporukom robe dostavljati fakturu na osnovu koje će Kupac vršiti plaćanje prehrambenih artikala.

Kupac se obavezuje da uz Ugovor o javnoj nabavci roba i Odluku o izboru najpovoljnijeg ponuđača na mjesečnom nivou, Dobavljaču dostavi i Obrazac za cijenu ponude – Aneks 2 iz tenderske dokumentacije, koji je Dobavljač iz Okvirnog sporazuma dužan popuniti, ovjeriti i dostaviti na Protokol Bolnice.

Kako se radi o nabavci prehrambenih artikala sa promjenjivim cijenama, dobavljač je dužan dostaviti Obrazac za cijenu ponude – Aneks 2 tenderske dokumentacije za date lotove u periodu od 15. do 20. tekućeg mjeseca za naredni mjesec.

Količine roba iz Obrasca za cijenu ponude nisu obavezujuće za Kupca.

Član 4.

Dobavljač je, u smislu osiguranja izvršenja obaveza po ovom okvirnom sporazumu, obavezan Kupcu dostaviti sljedeće безусловne originalne bankarske garancije (prema obrascu utvrđenom od strane Kupca):

- garanciju za uredno izvršenje okvirnog sporazuma / dobro izvršenje posla u iznosu 10% ukupne vrijednosti Okvirnog sporazuma sa uračunatim PDV-om, sa rokom važnosti garancije: rok isporuke + 30 dana;

Dobavljač će garanciju iz prethodnog stava dostaviti u roku od 10 (deset) dana od dana zaključivanja ovog okvirnog sporazuma/ obostranog potpisivanja ovog okvirnog sporazuma.

Garancija za uredno izvršenje okvirnog sporazuma dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje okvirnog sporazuma nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor/okvirni sporazum će se smatrati apsolutno ništavim.

Član 5.

Ugovorne strane su saglasne da sporazum realizuju prema već definisanim uslovima u tenderskoj dokumentaciji i ponudi Dobavljača.

Član 6.

Za isporučenu robu iz člana 1. ovog Sporazuma utvrđuje se ugovorena cijena u skladu sa ponudom Dobavljača na mjesečnom nivou.

Član 7.

Dobavljač se obavezuje da će u skladu sa odredbama Sporazuma isporučivati robu sukcesivno na osnovu pismenog zahtjeva (narudžbenice) Kupca, a sve u roku od 24 (dvadesetčetiri) sata.

Mjesto isporuke robe je: Javna ustanova Opća bolnica „Prim. dr. Abdulah Nakaš“, Magacin hrane, Kranjčevićeva broj 12, Sarajevo.

Do isporuke / predaje robe Kupcu (do dana obostranog potpisivanja zapisnika o kvantitativnom prijemu robe bez primjedbi) rizik slučajne propasti ili oštećenja robe snosi Dobavljač, a s isporukom / predajom robe rizik prelazi na Kupca. Rizik ne prelazi na Kupca ako je isti zbog nekog nedostatka isporučene / predane robe raskinuo Okvirni sporazum ili tražio zamjenu robe.

Roba koja je predmet ovog Okvirnog sporazuma i koju će Dobavljač isporučiti Kupcu prema ovom sporazumu bit će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način. Dobavljač će zapakovati robu tako da može izdržati transport, manipulaciju i eventualno skladištenje u razumnom vremenskom roku. Ambalaža mora imati takva svojstva koja posebno obezbjeđuju zaštitu od vlage.

Član 8.

Dobavljač će dostaviti fakturu odmah sa isporukom robe.

Cijena koju je Dobavljač naveo u svojoj ponudi je nepromjenjiva i ne podliježe bilo kakvim promjenama u toku mjeseca za koji je na osnovu Odluke direktora Bolnice izabran kao najpovoljniji ponuđač.

Kupac je obavezan platiti fakturu u roku od 90 (devedeset) dana od dana nastanka obaveze iz stava 1. ovog člana.

Član 9.

Dobavljač se obavezuje da će robu isporučiti u skladu sa zahtjevima Kupca i da će odmah postupiti po eventualnim primjedbama Kupca, u pogledu nedostataka na ime kvaliteta isporučenih roba.

Kupac će pismeno obavjestiti Dobavljača o svim primjedbama i utvrditi razuman rok za ispravku propusta vezano za isporuku robe.

Član 10.

Dobavljač odgovara za materijalne nedostatke stvari / robe koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički / komisijski utvrđuju Kupac i Dobavljač. U obavijesti o nedostatku stvari / robe Kupac je dužan detaljno opisati nedostatak i pozvati Dobavljača da pregleda stvar / robu. Ako obavijest o nedostatku koju je Kupac blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne prodavatelju smatra se da je Kupac izvršio svoju obavezu da obavijesti Dobavljača. Nedostatak postoji ako ugovorena / isporučena roba / stvar nema svojstva i odlike koje su izričito određene ovim ugovorom. Dobavljač odgovara i za nedostatke koje je Kupac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

Dobavljač odgovara ako na isporučenoj robi / stvari postoji neko pravo trećeg koje isključuje, umanjuje ili ograničava pravo Kupca, a o čijem postojanju Kupac nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu robu / stvar, Kupac je dužan obavijestiti Dobavljača o tome (obaviještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to Dobavljaču već poznato, i pozvati ga da u razumnom roku oslobodi stvar / robu od prava ili pretenzije trećeg ili da mu isporuči drugu stvar bez pravnog nedostatka. Ako Dobavljač ne postupi po zahtjevu Kupca, ugovor se raskida.

Član 11.

Garantni rok na koji se Dobavljač obavezuje u pogledu ugovorene robe počinje teći od datuma obostranog potpisivanja Zapisnika o kvantitativnom prijemu robe bez primjedbi. Kupac ima pravo, ako roba ne zadovoljava kvalitetom, istu vratiti i zahtijevati od Dobavljača novu isporuku kvalitetne robe.

Član 12.

Ako slučaj više sile, potpuno ili djelimično spriječi izvršenje obaveza po ovom sporazumu, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 (sedam) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog sporazuma, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom sporazumu miruju, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 (trideset) dana, ugovorne strane će se sporazumijeti o daljnoj sudbini sporazuma. Ukoliko se ugovorne strane ne sporazumiju o sudbini sporazuma, ugovorna strana kod koje nije nastupila viša sila ima pravo na raskid sporazuma pošto o tome pismeno obavijesti drugu ugovornu stranu.

Član 13.

Dobavljač nema pravo zapošljavati, u svrhu izvršenja ovog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju sporazuma, odnosno od početka realizacije sporazuma.

Član 14.

Ukoliko se jedna od ugovornih strana ne pridržava odredbi ovog sporazuma, druga ugovorna strana ima pravo na jednostrani raskid sporazuma.

U slučaju eventualnih primjedbi Kupca u pogledu nedostataka na ime kvaliteta isporučenih roba sporazum se može raskinuti uz obostrano izmirenje svih obaveza utvrđenih sporazumom.

Raskid sporazuma se vrši u pismenoj formi.

Član 15.

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Odredbe ovog sporazuma ne mogu se mijenjati nakon njegovog zaključenja.

Član 16.

Sve eventualne sporove ugovorne strane će rješavati sporazumno, u duhu dobrih poslovnih odnosa. Ukoliko se sporazumno rješenje ne postigne, nadležan je Sud u Sarajevu.

Član 17.

Na odnose koji eventualno nisu uređenim ovim sporazumom primjenjivat će se odredbe Zakona o obligacionim odnosima.


Član 18.

Sporazum je sačinjen u 4 (četiri) istovjetna primjerka, od kojih svaka Ugovorna strana zadržava po 2 (dva) primjerka.

Dobavljač:
VINOJUG d.o.o. Sarajevo

DIREKTOR

Elvira Resić



Kupac:

Javna ustanova Opća bolnica
„Prim. dr. Abdulah Nakaš“

DIREKTOR

Prim. dr. Zlatko Kravić



Broj: 58-04/2018
Sarajevo, 02.04.2018

Broj: 2305-18/18
Sarajevo, 02.04.2018. godine